

Beca di musica "Clyde Harms" a keda introduci

Nuevo Mundo Festival & Academy mester bira e Field of Dreams di nos tambe

ORANJESTAD – Diamars anochi, sr. Clyde Harms a wordo nombra como Presidente honorario di Nuevo Mundo Festival & Academy (NMFA). Hunto cu e reconocimiento aki a wordo introduci e beca "Clyde Harms" cu NMFA lo otorga cada aña na e ganado di e competencia cu nan ta realisa entre nan studiantenan. E ganado di e beca aki lo asisti gratis den e di II NMFA cu lo wordo realisa na Aruba, proximo aña.

Gradicimento

Sr. Harms a gradici na e miembronan di e directiva di NMFA, y muy particularmente na su director Artistico, e violinista Simon Gollo pa e reconocimiento aki. "Awe noch boso a otorga mi un honor grandi. Mi no sa si realmente mi ta merece, pero masha agradecido mi ta acepta esey, humildemente", el a bisa.

Igualmente el a laga sa cu compara cu loke Simon Gollo a haci e siman aki pa e mundo di musica clasico aki na Aruba, su contribucion na Nuevo Mundo Festival tabata "no mas cu un grano di santo na Eagle Beach".

Sr. Harms kende tabata masha emocionada cu e reconocimiento aki y den su discurso el a bisa cu e sa cu sr. Gollo tin un amor grandi pa nos isla, y danki na su sabiduria y experiencia e ta convenci cu e musico aki lo haci di Aruba e Aspen di Caribe. Simon Gollo su amor pa musica ta comparabel cu un fe religioso cu ta alimenta su boluntad y empuje. E ta un visionario cu ta soña di comparti su amor pa medio di festivalnan musical.

El a conta cu sr. Gollo a establece Nuevo Mundo Festival na Maracaibo tempo cu e tabatin apenas 20 aña. E festival di Maracaibo a dura 12 aña y mester a stop pa motibo di e situacion cu a laga e pais Venezuela de facto bancarota. "E perdida di Venezuela ta e ganashi pa Aruba", el a bisa.

Den su discurso sr. Harms a recorda cu casi 10 aña pasa e director artistico di NMFA a duna un concierto gratis na Cas di Cultura na beneficio di Aruba Scholarship Foun-

dation. Sr. Gollo su actuacion a recauda suficiente placa pa paga algun beca e aña ey.

Contribucion na Aruba

E tempo aya durante su estadia na Aruba el a descubri cu tabatin centenares di muchu cu kier a studia musica pero cu no tabata por pa falta di maestro. El a reuni cu e Minister di Cultura y el a ofrece di haya maestronan na Maracaibo cu lo ta dispuesto pa bin Aruba pa dos siman of mas totalmente gratis. Nan lo no ricibi salario, pero go-

e studiantenan pa keda na cas di su famia na Maracaibo. Por nada!, el a bisa.

Sr. Harms a bisa cu esunnan cu a mira e pelicula Field of Dreams lo corda cu na momento cu Ray Kinsella (hunga pa Kevin Costner) tabata vacila, Terence Mann (hunga pa James Earl Jones) a bis'e: "Ray, si bo construi, e hendenan lo bin Ray, definitivamente, e hendenan lo bin."

Sr. Harms a bisa cu e mes ta mira e festival manera

clausura of concierto di gala.

Na Venezuela, e festival tabata haya bon sosten. E ciudad Maracaibo y e estado Zulia tabata reconoce e balor educacional, cultural y social di e festival y di forma generoso nan tabata duna apoyo financiero. Negoshinan tabata apoya cu sponsor. Hotelnan tabata coopera cu prijsnan hopi reduci. Restaurantnan tabata ofrece descuentonan special. Famianan tabata ricibi studiantenan na nan cas durante nan estadia na Mara-



bierno lo mester percura pa nan pasashi y caminda pa nan keda. E minister a considera e oferta masha atractivo, pero sr. Gollo nunca mas a tende algo di dje.

Tempo cu Armand Simon a cuminsa e Aruba Piano Festival, sr. Simon Gollo a yuda pa e festival bira un éxito musical compartiendo su conocimiento, su experiencia y su contactonan valioso. Pa e festival di piano aki, Aruba Scholarship Foundation, fundacion cu pa basta aña sr. Harms tabata presidente di dje, a establece un beca pa e ganado di e competencia di toca piano. E beca tabata pa e ganado por participa den e "masters' classes" di Nuevo Mundo Festival na Maracaibo. "Atrobe Simon a demostra su deseo pa yuda e musicianan Arubiano. El a invita

pelicula Field of Dreams pa Simón Gollo, pero contrario na Ray, Simón no a vacila un momento. El a cita un frase di propaganda di e pelicula Field of Dreams, esta: "Si bo ta kere lo imposibel, lo increibel por bira un realidad". Ya cu sin tarda un dia e violinista Venezolano Suiso a construi e festival y nos por mira con e hendenan a bin na Cas di Cultura. Den su prome aña e Festival a atrae mas di sesenta estudiante y 14 master destaca di 11 diferente pais.

Fundacion sin lucro

E Nuevo Mundo Festival and Academy ta un fundacion sin lucro. Su unico entrada ta bin di e contribucion di e studiantenan ta haci pa nan por participa y e recaudacion cu nan ta haci for di e publico cu ta asisti na e concierto

caibo. Boluntarionan tabata ofrece di yuda cu e parti logistico.

"Nuevo Mundo Festival & Academy mester bira e Field of Dreams di nos tambe. Otro islanan den Caribe lo ta ansioso pa hay'e", sr. Clyde Harms a bisa den su discurso. E ta haya cu nos mester duna Simon Gollo e respaldo cu e mester pa continua e festival aki mes na Aruba. Ora e ta referi na nos, sr. Harms a menciona e amantenan di musica clasico, Unoca, nos gobierno, ATA, AHATA, ATIA, y tur otro partnernan importante di Aruba.

Na final di su discurso, sr. Harms a trece dilanti cu Nuevo Mundo Festival & Academy por haci Aruba bira e atraccion di musica clasico mas importante den nos region. □